



BELIEVERS EASTERN CHURCH

Office of the Metropolitan, World Church Headquarter,
St. Thomas Community, Thiruvalla, Kerala, India

Mwrwknaini Kuktun

Ani khapangni mwrwknairok tei Kwthar Mothani joto poito khlainairok,

Chini Subrai tei phiyoknaisa Jisu Khristoni khairokma, Maya tei khakchangma norok bai tongthung. +

Ang tini norok jotono chini Mothani laihibumao wngmani nangkukmani kokno twi sana muchungo. Chini hamchajak muiitu khujaknai Lenglaui tongnai puila Metropolitan pha, Athanasius Yohan I, ni thwiphlaiya lenglamao habmani bisi kaisa pungma salno twiui puila muiitu khlaima panda narwkjak kha 8 May 2025 salmario.

Chwng joto motharok bini thwimano twiui belai kha khamlaijak haiphano chwng bini muiituno kwthang tonnani jora kaham ma nanai. Bini tongmungni kosol khe tongnani bagwi ang norok jotono hamjakma bai koiiao --- bini phwrwngwi kwlangma twi tongwi tei je samung chengwi kwlangmano thakphlaiya khe khwlai thanglainani tei phainai piri ni thani yapharwi kwlangwi manlainani. O barja abo poja ya phiyaba chwng jotoni kaisa kotor tongthokma tei borom se -- chwng abono kha swrangma bai se yachakthai klaio.

Kwthar Motha chini hamchajak muiitu khujaknai Metropolitan pha, Athanasius Yohan I, ni puila muiitu khlaima salni bagwi tiyar wngwi tongo, aboni bagwi chwng jotono chini kha bai uansukma bai o kwthar pandao kwrwngthai klaio. Kaisa motha wngwi chwng chini Lenglaui tongnai pholani pha ni khlailangma samungni bagwi pal baksa phailai Phan gwnang Kaitorno surima tei hambai yaphar phailaidi. O muiitu khlaima salni bagwi nwng nini nogo simi tongwi ta palaijadi. Aboni slai, nini yapri bws kang agokdi --- samung bai bini o muiitu khumano phunukdi, abo chini Lenglaui tongnai hamchajak Metropolitan Apha chwngno phunukma tei phwrwngma hai se wngthai: hamjakma tei maya bai bororokni samung khlaidi.

Norokni pholani pha wngwi, ang chini Lenglaui tongnai Metropolitan Aphani tongdalno twiui kisa swrwngjaknai kokno twiui norokni kha no sicharwna naio hake chwna a kok bai tongwi mannai -- abo o salsa ni bagwi ya tamo khe salbrumni bagwi.

1. Chubama tei Maya khlaiani Samungrok: Chini lenglaui tongnai Aphani bwkha bigrarokno, bemarno, kha baijakrokno Khristo khlaiani haino bo sakno yapharwi hamjaklang kha. Bini muihu khlaiani, omohai kheno chubalaina bagwi ang norokno dagijao- abo buino chubamungni rwmani bisingtwi, sak hamyao tongnairokno naima bisingtwi eba nini parao khairokma mayani samungno phunukma bisingtwi.

2. Salbrumni Surima tei Uansukma: Chini lenglaui tongnai Apha chwnungno kha bacha rwo chwna motha wngwi surimang tongnani tei chini langmao Jisuni Surima bai khe kwrwngwi tongmani. Phaidi chwna Surimao chini langmano kuthugo twlanglai anw - saichung sak kaisa Kaitono monlaina bai, nukhung Surima bai, Divine Liturgy khulumao manjakma bai tei Jisuni Surima suriui tongma bai.

3. Motha tei Dophani samung: Chini lenglaui tongnai Apha bini bwkha bai mothano hamjak langkha tei mothano songchana bagwi lenglamung kwrwikhe samung khilailang kha. Thaisa kok bo salbrumno salangkha, abo wng kha, "Think Church." "Mothano twi Uansukdi." Phaidi chwna bini o samungno chini motha kuchuk tisalaina bagwi chini jora tei rwngma no yapharlai samung khlaimang tonglai anw, aboni bisingtwi chini para amchoi kaham wngna twi. Chikon lamatwi eba kotor lamatwi aro kwbangmani samung khilaijaknai sep tongo - Mothani pandani samungo chubanani, Mothani samungo dumsanani tei kothoma kaham pirthani chubalainani.

4. Thinangni Pirini bagwi Poitono Khatima: Chini lenglaui tongnai Apha chini chwairokno hamjago tei borokno puilao mang tono. Phaidi chwna chini kwthar Mothano Sunday School, Believers Youth, Women Fellowship, catechism, Surima tei phunukmari tongma bisingtwi phainai Pirini thani yapharwi kwlanglai anw. Phaidi chwna chini Lenglaui tongnai Aphani poito khlaiani hai tei mothani goron no phainai piri ni thani songchaui kwlanglai anw.

Ani khapangni khachuksasong, norok khwnanai simi ta wngdi khwlainai se wngdi hwnwi ang norokno koiiao. Hamchajak muihu khujaknai chini Mothani Apha, Metropolitan Athanasius Yohan I, ni tongmungno yachaklai anw tei swrwnglai anw.

Tei muitu narwkdi, chwngh Jisuni yak, Bukhuk tei yakung se hwnjago - buini samung khlainani tei Khristoni kosol wngwi tongnani abo chini thani mari bujak. Phaidi chwngh Khristo haikhe mang tonglai anw.

Bini muitu kwthang tongphlai thung!

Kwthar Kwrhamsa Kaitor, Pha, Sajla, tei Phola Kwthar chwnghno Bini khairokma tei maya rwthung; tei Kaitorni bwsakngo joto kwthar bororokni surima tei Kwthar Amani surima katimung tabuk tei molbrum tongthung. + Amen.

Norokni Phani hamjakma tei Surima bai

Moran Mor Samuel Theophilus Metropolitan

Date 15 April 2025

World Church Headquarters

